

Shash PETAPAN

Shash Petapan tipatshimun no.2 - Mitshishu-pishim^u 2026

Eshi-uitakanit tipatshimun ne Mamuitun Petapan

- **Upau-pishim^u 2025** : Ka mashinatautishunanut nete Mashteuiatsh, peik^u e tshishtauakanniti upau-pishimua 2025, ussi-innu-utshimau tshimananipan : katshi 17 tatu-pipuna e pitau-utshimaut Jonathan Germain tshimanikupanPekuakamiulnuasht anite innu-utshimatat.
- **Takuatshi-pishim^u 2025** : Katshi nishupipuna e kutshipanitaht tshetshi tshishtapaniti nenua ka uitakaniti tshe ishi-katshitinahk kie tshe ishi-uanitaht (shatshuatamuk [ShashPetapan](#) Shetan-pishimua 2025) innu-utshimauat minepanat ukaiatusseshima tshetshi atushkataminiti. Shaputuepanipanat kie tshishpeuatamupanat innua ka ishi-natuenitaminiti. Shutshikapauipanat nenu kaut ka ui aimuataminiti iapatanit mak eshpitenitakunit Uepishtikueiau tshishe-utshimaua. Aimunnu ka uitakau : « Ekuan eshpish natu-uaueshta nemeni tshe ishi-katshitinak kie tshe ishi-unitat Uepistikueiau, upime ashtatau, shaputuepanitau neme ka natapishtatiak mashten 31 uinashku-pishim^u 2023 ka tenanit. Uemut ui shaputuepanuat innu-utshimauat nenu ka natapishtatunanit, pimushtauat utaimunnu kassinu innua mak utinimuaa, tshetshi tshishtapanit atushkanu ka natshipanit uinashku-pishimua 2023.



Eshi-uitakanit tipatshimun ne Mamuitun Petapan

- **Pishimuss 2025** : Neme peik^u katshishtauakan pishimuss 2025, Innu-utshimauat Dufour mak Germain natshishkuepan ka ussipitutshet tshishe-utshimakueu ka takuaimatak Relation Couronne-Autochtones, Utshimashkueu Rebeccca Alty. Ek^u, Innu-utshimau Tettaut, apu tshi tat nenu ka natshishkatunanit. Uaitamupan mamuk tanite etananit ka natapishtatunanit Nishtutatun Petapan. Utshimashkueu Alty uitam^u tshe uitshiaushit nenu atusseunnu Nishtutatun kie uitam^u kaut e pushipaniti Utauau-tshishe-utshimaua miam neme ka utinakan aimun anite Déclaration commune ka uinishut Tshishe-utshimau ka takuaimatak Gary Anandasangaree ka shikuanit.
- **Tshishe-pishim^u 2026** :Innu-utshimauat mashinaitshepan nete tipatshimu-mashinaikanit Le Devoir mak nete Espaces autochtones. Kaut nitashtanan tshetshi tshitapatamek^u :

François Legault, tshekat teu anite aiatshimunit, nenua tshe mishkutapishkakut tshika aiatshimanua ashit ninan

Ka uita François Legault uenuit e utshimaut anite tshishe-utshimatash tutam^u tshetshi kaut kukuetshimishunanit tan tshe ishi-mishkutshipan ka utshimau-aiminan ute Uepishtikueuiat. Umue eshpanit, ni tshissitutamunianani, uin tshishe-utshimatash ka tat, tshipa tshi mashinataikanipan aiatshimun, nashatakakue ka uita tshetshi mashinatautishut Nishtutatun Petapan ashit nenua e nishtiniti innu-assia. Ne Nishtutatun itashteu mamuk tshe ishi-pimutenan tshetshi nutim auenitshenat kaniuiht. Ka takuatshinit 2022, François Legault papameshkapan tshetshi uitshiakanit ua tshimashut Tshishe-utshimatash. Uitamupan tshe pushipan tshetshi tshishtapanit ka natapishtatunanit Nishtutatun eshk^u eka 31 uinahku-pishimua 2023 tshishtauakaniti.

Eshi-uitakanit tipatshimun ne Mamuitun Petapan

Tshishe-pishim^u nuah^t ish^pish uinashku-pishimua, nikaia^tusse^shiminan ashⁱt Canada ukai^tusse^sshima, apu puni^ht e atusse^t tshet^hi eka ueshamapi^ht. . Ka ashtakan ne tshishik^u, Innuat mak Canada Tshishe-utshimatash tshishtapanitapanat kie nishtutatapanat nenu ka ishi-natuenitamatu^ht. Muk uin, Uepishtikueiau Tshishe-utshimatash mishkutshipanui, apu kaut pushipan mak apu nashatak ka issishuet.

Nenu kaut tshiauekapaut, ekue eka tshishtapanit nenu tshipa takuanipan ne ushkat Nishtutatun e mashinatautishunan ute Uepishtikueiat, mashten takuanipan ka uinishunan anitshenat les Cries, ka iassimeuat (inuit) mak naskapie neme 1970. Uepishtikueiau Tshishe-utshimatash nanitam pitshitinam mak natuenitam^u kaut tshet^hi ueshitshitakanit ka ishi-nishtutatunanit, shash nene tshishtakanipan anitshenat kanatapishtatu^ht nikan ka tshimanakani^ht.

Neme 2025, Utaua Tshishe-utshimatash, eka ka tshissenitakushut, ekue uitamahk Canada mak ninan, ne, shiutshenitamak mashinaikan atusseun Nishtutatun ka uinishunan 19 shiship-pishimua 2023, tshet^hi kanuenitakaniti ka ishi-nishtutatunan mak tshet^hi shaputuepan. Uishamanipan tshet^hi kie uin uinishut, Uepishtikueiau Tshishe-utshimatash apu tapuetat, tshiuemashinaitshepan eka tshinuapetina utaimun. Kie esh^k katshi-uenimatunanipan aimun, apu nishtutatunan.

Nishtutatun Petapan namaieu muk tshet^hi tshissututakan, ishi-uatakanu, kassinu ne tshe ishi- tshitshipanitakan atusseun mak tan tshe ishi-pimuteht auenitshenat. Nishtuapatam^u tshitipenitamunnu mak tshe ishi-takuaimatamak, tshui unuitishinikunu nenu la loi des indiens utipaikana. Mashinataim^u tshe ishi-nashatakanit atusseunnu tshet^hi minupuan utinakaniti aimun mak matinamatun.

Eshi-uitakanit tipatshimun ne Mamuitun Petapan

Eukuan e shutshikapautakan mak e ussitinakuak tshetshi mamuk tenan mak tshetshi mamuk pukutaiak ua minupuanitaiakh ute « Nitassinan ». Kie apu muk kaniuiht innuat. Saguenay-Lac Saint Jean mak Côte-Nord kie uinuau tshika takaukat, ute shuniatat kie minuenniunit ne tshe petutemakahk Nishtutatun.

Shash ishpish uinashku-pishimua 2023, nipishkapatenan mitshetuat netuenitakan tshetshi « minu-uitamahk ne eshi-mashinataikan», kaut tshetshi uauitakanit nemeni shash ka tshishtapanitakaniti mashinaikana mak miashkutashtakan ua natshishkatunaniti.

Nimishta-mitatenan ne eka meshinataikan aiatshimun ashit Uepishtukueiau tshishe-utshimau ka unuiut. Tshekat nukutau, muk kaut tshiuekapauipan.

Tshiatutet Utshimau Legault nutekutau e shakuashinit muk shekutenu. Nuishamanan ne kutak tshimananiti Uepishtukueiau tshishe-utshimau kie ma tshishe-utshimashkueu tshetshi ishpakushit mak tshetshi tat Aiatshimun tutakaniti. Kie ma, ne minat tshe mashinatautishunan, tshika ishinakuan put, tshetshi kaut ussi-atussenan.



Eshi-uitakanit tipatshimun ne Mamuitun Petapan

Apu natuatamahk kaniun kie mashikatun. Eshk^u nishaputuepanan, shash ishpish neunnuepipuna, e atushkatemahk, ne aishkatshish e shutshikapaumakanit innu tshe nishtuapiman, tshe peiku-tshitapimishuht mak tshe uitatussemitunan. Aiatshimun, ka takuak, anitshenat ka uinakaniht utshimauat, ka tutaht miam nenu ka ishinakuanit tshetshi ishpanit. Tshissishtetau la paix des braves ka uinishunan ashit les crie ne ka tat Uepishtukueiau tshishe-utshimau Bernard Landry.

Anitshenat tshe tshimashuht, utinamuk tshitapunau, tshe mashinataikan aiatshimun.

Iat ne eshpanit ka uitshimau-atussenan anite Uepishtukueiau assi, eshk^u tshika natapinanu ashpimitshuakan umue tatu-pishimua, tshetshi eshk^u tshitshipan atusseun Nishtutatun mak e nashatakanit innuat utipenitamunau.

Natu-tshissenitamuk atusseun Nishtutatun Petapan

Shatshuatamuk anite atusseu-katshitapatakanit kie nete Facebook ui natu-tshissenitameku atusseun Nishtutatun, passet eshi-takuaki tipatshimuna :



www.petapan.ca

- Mamuitun petapan tshiuenam ka kukuetshitshemiek
- Mashinaikan e mashinataikaniti papeik^u essishuemakaki ne Nishtutatun
- Utat tipatshimuna Shash Petapan ka unuipaniti
- Atusseuna iapataki ka tshishtapaniti



Regroupement Petapan



Ka kuetshitshemunan



Tshitshissenitenau a



Innuat utapunau anite Atusseu-katshitapatakanit (Espace membres)

Innuat uetshipaniht anite Essipit, Mashteuiatsh mak Nutashkuanit, tshika tshi katshitamuat tipatshimunu e uitakanit atusseun Nishtutatun.

Ute tshika natenau www.petapan.ca , atusseu-katshitapatakanit, tshe uinishieuk!


Eukuan umue tshika nashatenau :

Ushkat pishtepaniuni :



1. Ne tshe atuaiman « espace membres » anite ishpimit takuan, anite tetshe tshiminun
2. Ne tshe atuaiman « Première visite ? »
3. Mashinatai tanite tshe itishaimakauin tapishinini atusseu-katshitapatakanit
4. Ne tshe atuaiman « S'inscrire »
5. Nishua tshika mashinaimakaun :
ushkat ne tshika uitamakun shash uiatimak tshimashinaikan, minuat kutak, tshika uitamakun shash uianishun.
6. Minuat ui pishtepaniuni, tshe nashataman eshi-uitamakuin anite tshiminun ka takuanua.

Shash katshi-uinishuni :



1. Ne tshe atuaiman « Espace membres » anite ishpimit takuan, anite tetshe tshiminun.
2. Mashinatai etashtet meshinaimakauni atusseu-katshitapatakanit mak ne ui tapishinini.
3. Ne tshe atuaiman « Connexion »